

CLODERM SCALP APPLICATION

Clobetasol Propionate (0.05% w/v)

Apakah yang ada pada risalah ini

1. Apakah kegunaan CLODERM SCALP APPLICATION
2. Bagaimana CLODERM SCALP APPLICATION berfungsi
3. Sebelum menggunakan CLODERM SCALP APPLICATION
4. Cara menggunakan CLODERM SCALP APPLICATION
5. Semasa menggunakan CLODERM SCALP APPLICATION
6. Kesan-kesan sampingan
7. Cara penyimpanan dan pelupusan CLODERM SCALP APPLICATION
8. Maklumat lanjut
9. Pengilang dan Pemegang Pendaftaran Produk
10. Tarikh kemaskini RiMUP

Risalah ini menjawab beberapa soalan lazim tentang CLODERM SCALP APPLICATION. Ia tidak mengandungi semua maklumat yang tersedia. Ia juga tidak menggantikan tempat ahli farmasi atau doktor anda.

Semua ubat mempunyai risiko dan manfaat. Ahli farmasi atau doktor anda telah mempertimbangkan risiko anda menggunakan CLODERM SCALP APPLICATION berbanding manfaat yang mereka jangka untuk anda.

Simpan risalah ini bersama ubat.

Anda mungkin perlu membacanya lagi.

Apakah kegunaan CLODERM SCALP APPLICATION

CLODERM SCALP APPLICATION digunakan untuk merawat *psoriasis* (penyakit kulit yang menebal dengan tompok-tompok merah kasar yang diliputi sisik perak kering) dan *recalcitrant eczemas* (lapisan kulit yang kemerahan, bengkak, cecair meleleh, pengupingan yang boleh menjadi sisik) di kulit kepala.

Clobetasol adalah kortikosteroid topikal yang sangat aktif yang digunakan dalam rawatan jangka pendek untuk keadaan yang bertindak balas tidak memuaskan pada steroid yang kurang aktif.

Bagaimana CLODERM SCALP APPLICATION berfungsi

CLODERM SCALP APPLICATION mengandungi Clobetasol Propionate. Clobetasol Propionate tergolong dalam kumpulan steroid yang mempunyai tindakan anti-radang, anti-gatal dan pengecutan salur darah.

Tanya ahli farmasi atau doktor anda sekiranya anda mempunyai sebarang pertanyaan tentang ubat ini.

Sebelum menggunakan CLODERM SCALP APPLICATION

-Bila tidak boleh menggunakan
Jangan menggunakan CLODERM SCALP APPLICATION sekiranya:

- Anda alah (hipersensitif) kepada 'Clobetasol Propionate' atau mana-mana komponen bahan ubat ini.
- Anda mempunyai jangkitan pada kulit kepala.

Tidak disyorkan untuk bayi di bawah umur 1 tahun.

Jika anda tidak pasti, bincang dengan doktor atau ahli farmasi anda sebelum menggunakan CLODERM SCALP APPLICATION.

-Sebelum mula menggunakan
Maklumkan ahli farmasi atau doktor anda:

- Jika anda menggunakan mana-mana produk kulit.

Kehamilan dan penyusuan badan:

- Tiada rekod menunjukkan ubat ini selamat digunakan semasa kehamilan dan laktasi (penyusuan).
- Tanya doktor atau ahli farmasi anda untuk mendapatkan nasihat sebelum penggunaan ubat ini

sekiranya anda hamil atau menyusu badan.

-Jika mengambil ubat-ubat lain

Beritahu doktor jika anda menggunakan sebarang ubat lain, termasuk ubat yang dibeli tanpa preskripsi dari farmasi, pasaraya, atau kedai makanan kesihatan.

Cara menggunakan CLODERM SCALP APPLICATION

-Berapa banyak harus digunakan
Sapu CLODERM SCALP APPLICATION dengan sedikit pada bahagian kulit yang terjejas sekali atau dua kali sehari sebagaimana yang diarahkan oleh doktor atau farmasi.

-Bila perlu digunakan

Sapukan pada kawasan yang terjejas apabila ia kering dan bersih.

-Berapa lama perlu digunakan

Rujuk kepada doktor dan ahli farmasi untuk tempoh rawatan.

Elakkan penggunaan terapi topikal untuk jangka masa yang panjang.

-Jika terlupa menggunakan

Sapukan krim ini secepat mungkin dan kemudian terus rawatan anda seperti biasa.

-Jika mengambil berlebihan (terlebih dos)

Dalam jumlah yang mencukupi, steroid boleh diserap ke dalam kulit anda dan menghasilkan kesan sistemik seperti manifestasi sindrom Cushing, peningkatan paras gula dalam darah dan kehadiran gula dalam air kencing.

Jika anda rasa anda terlebih dos, rujuk kepada doktor atau ahli farmasi anda. Bawa sebarang baki ubat bersama anda.

Semasa menggunakan CLODERM SCALP APPLICATION

-Perkara yang perlu dilakukan

Jika anda bersedia untuk memulakan penggunaan ubat baru yang lain, maklumkan ahli farmasi

CLODERM SCALP APPLICATION

Clobetasol Propionate (0.05% w/v)

atau doktor anda yang anda sedang menggunakan CLODERM SCALP APPLICATION.

Sekiranya gejala berterusan, sila hubungi doktor.

-Perkara yang tidak boleh dilakukan

Jangan menggunakan lebih daripada dos yang disarankan melainkan dibenarkan oleh doktor anda.

Jangan gunakan di dalam atau sekitar mata.

-Perkara yang perlu diberi perhatian

Hentikan penggunaan jika berlaku kerengsaan atau alahan dan rujuk kepada doktor. Perhatian khas hendaklah diambil kepada bayi dan kanak-kanak kerana penyerapan sistemik boleh berlaku melalui penggunaan topikal yang boleh menyebabkan pertumbuhan terencat.

Langkah berwaspada perlu diambil apabila merawat kawasan permukaan badan secara luas.

Kesan-kesan sampingan

Seperti ubat-ubatan lain, CLODERM SCALP APPLICATION boleh menyebabkan beberapa kesan sampingan, namun tidak semua yang akan mengalaminya.

Kesan sampingan yang dilaporkan ialah rasa pedih, gatal-gatal, kerengsaan, rasa kering, radang pada folikel rambut, pertumbuhan rambut yang tidak normal, pertumbuhan jerawat, warna kulit menjadi cerah, kulit menjadi lembut dan lemah, kulit menipis, kesan regangan kulit dan ruam panas.

Penggunaan kortikosteroid dalam dos yang banyak boleh menyebabkan gejala-gejala hiperaktif adrenal korteks, dengan muka bulat, kadangkala pertumbuhan rambut berlebihan di kawasan-kawasan tertentu pada muka dan badan wanita, benjolan

lemak di antara bahu, kulit menjadi kemerah-merahan, dan kadang-kadang boleh menyebabkan sindrom Cushing sepenuhnya.

Jika anda mengalami mana-mana kesan sampingan ini, walaupun yang tidak dinyatakan di dalam risalah ini, maklumkan doktor atau ahli farmasi anda.

Anda boleh melaporkan sebarang kesan sampingan atau kesan advers ubat terus kepada Pusat Pemantauan Kesan Advers Ubat Kebangsaan melalui No. Tel: 03-78835549, atau laman web npra.moh.gov.my [Public → Reporting Side Effects to Medicines (ConSERF) or Vaccines (AEFI)].

Cara penyimpanan dan pelupusan CLODERM SCALP APPLICATION

-Penyimpanan

Simpan di bawah suhu 30°C. Pastikan bekas ditutup rapat. Simpan di tempat terlindung daripada cahaya. Jauhkan daripada kanak-kanak. Untuk kegunaan luaran sahaja

-Pelupusan

Lupuskan ubat selepas tarikh luput. Ubat-ubatan tidak harus dilupuskan melalui air buangan atau sisa isi rumah. Sila rujuk kepada ahli farmasi anda mengenai cara yang betul untuk melupuskan ubat yang tidak diperlukan lagi. Langkah-langkah ini dapat membantu melindungi alam sekitar.

Maklumat lanjut

-Rupa dan warna produk

CLODERM SCALP APPLICATION adalah larutan sedikit likat yang tidak berwarna.

CLODERM SCALP APPLICATION boleh didapati dalam botol plastik 30ml.

-Bahan-bahan kandungan

-Bahan-bahan aktif:
Setiap tiub mengandungi Clobetasol Propionate 0.0568% w/v (bersamaan dengan 0.05% w/v).

-Bahan-bahan tidak aktif:
Isopropyl Alcohol, 1M Sodium Hydroxide, Methylparaben, Hydroxypropyl Methylcellulose, Purified Water.

-Nombor MAL:

MAL19930240AZ

Pengilang

HOE Pharmaceuticals Sdn. Bhd.
Lot 10, Jalan Sultan Mohamed 6,
Bandar Sultan Suleiman,
42000 Port Klang, Selangor,
Malaysia.

Pemegang Pendaftaran Produk:

HOE Pharmaceuticals Sdn. Bhd.
Lot 10, Jalan Sultan Mohd. 6,
Bandar Sultan Suleiman,
42000 Port Klang, Selangor,
Malaysia.

Tarikh kemaskini RiMUP

-13/08/2018

Nombor Siri:

NPRA(R4/1)080818/00234